



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

§. 1. De requisitis ad valorem Professionis Religiosæ.

---

[urn:nbn:de:hbz:466:1-73045](#)

2735 Ad 10. §. cum Sanchez cit. lib. 7.  
t. 5. à n. 68. non requiri, quod petatur,  
vel detur in scriptis; & dari non posse,  
nisi ab Episcopo, vel eius Vicario; pri-  
mi enim nulla mentio fit in textu; se-  
cundi autem fit expressa mentio sic, ut  
si fecus fiat, renuntiatio nulla fit. No-  
mine Episcopi autem veniunt etiam alii  
habentes jurisdictionem quasi Episcopale  
in suo territorio nulli alteri subjecti,  
ut alibi diximus. Unde non sufficit in  
hoc casu licentia Superioris Regularis,  
*etiam exempti*; quia in hoc casu non ad-  
ditur: *vel alterius Superioris*, prout addi-  
tur, pro facultate ingrediendi Monaste-  
ria Monialium c. 5. Sess. 25.

2736 Ad 11. §. affirmativè, cum hæc fa-  
cultas sit annexa dignitati, non perfon-  
æ; ita Sanchez cit. n. 73. Ad 12. §. in  
quibusdam Religionibus non esse in usu,  
ut testatur Sanchez cit. n. 25. & Rodri-  
quez tom. 2. qq. Regular. q. 48. a. 14.  
ad 13. §. negativè ex dict. cum sufficiat  
eam fieri intra tempus probationis, vel  
cæ etiam finita ante professionem, etiam  
ultimæ horæ, ex quo etiam constat ad  
14. cum textus solum petat non fieri  
*ante bimestre proximè antecedens profes-  
sionem*. Ad 15. §. quod non, ex seqq.

#### ARTICULUS IV.

##### De professione Religiosa.

2737 Professio Religiosa generaliter acce-  
pta, ut notat Pereyra in Elucidario  
n. 1358. apud Theologos, & Canonistas  
est sponsio, & promissio, Deo facta per  
tria vota paupertatis, castitatis, & obe-  
dientiæ, in Religione approbata; hæc  
duplex est, nimurum expressa, & tacita,  
seu interpretativa. Expressa est, quæ fit  
in manibus accipientis eam legitimè, &  
exprimitur sive verbis, scriptis, aut ore  
prolatis, sive nutibus. Tacita est, quæ  
non exprimitur, sed continetur in ali-  
quo per interpretationem, v. g. in ha-  
bitu professorum delato per certum tem-  
pus; quibus modis utraque fiat, latè  
prosequitur Sanchez l. 5. Decal. c. 3. Azor  
tom. I. l. 12. c. 4. & Suarez tom. 3. Relig.  
l. 6. à c. 13. Dixi, per vota, sive *solemnia*,  
sive *simplicia*, prout fit in Soc. JESU  
post biennium Novitiatus; ex quo ha-  
betur altera divisio professionis gene-  
raliter acceptæ, nimurum in eam, quæ  
Tom. III.

fit per illa *tria vota*, sed *solemnia*; & il-  
lam, quæ per eadem, sed *simplicia*; &  
de hac nihil extat in corpore juris Ca-  
nonici; quibus præmissis.

§. 1.

##### De requisitis ad valorem Professionis Religiosa.

A Nte resolut. Not. 1. professionem  
religiosam, & *expressam*, ad valo-  
rem spectatâ ejus naturâ, seclusis parti-  
cularium Religionum constitutionibus  
non exigere, ut determinatè fiat vel vo-  
ce, vel scripturâ; sed sufficere consen-  
sum etiam nutibus expressum; cum id  
nullo jure cautum sit; sic Azor p. 1. l. 12.  
c. 4. q. 1. & alii; id, quod etiam colligitur  
ex c. *Porrectum* 13. h. t. Cœterum exigi  
scripturam causa probationis, colligitur  
ex 20. q. 1. c. ult. ubi tamen speciali Reli-  
gionis constitutione per Sedem Aposto-  
licam approbata per Scripturam fieri de-  
bet, tanquam soleñitatem substantialem  
(prout habetur in Soc. JESU p. 5. Conſtit.  
c. 3. in declarat. lit. A. & notatur à Sanch. in  
Decal. l. 5. c. 3. à n. 5.) aliter facta non tenet.

Not. 2. formam professionis *expres-  
sim* non esse eandem in omnibus Reli-  
gionibus, ut per se constat, & videri  
potest apud Suarez cit. l. 6. c. 12. Sanchez,  
& alios; in quibusdam enim exprimuntur  
omnia tria; in aliis sola obedientia;  
vel stabilitas, & conversio morum sec-  
undum regulam, &c. Not. 3. non per-  
tinere substantia litera ad valorem pro-  
fessionis, susceptionem habitus profes-  
sorum proprii; nam *habitus non facit  
Monachum*, c. *Porrectum* 13. h. t. Not. 4.  
professionem *expressam*, quantum est  
de jure communi, posse fieri per Procu-  
ratorum cum mandato speciali; hoc  
enim nullibi reperitur exceptum in ju-  
re communi, præteritum cum hoc etiam  
admittatur in matrimonio juxta dicta  
lib. 4. decretal. à n. 562.

Not. 5. professionem *expressam*, 2740  
quantum est de jure communi, posse  
fieri etiam sub conditione non tantum  
præsenti, vel præterita, sed etiam fu-  
tura contingenter, intellige honesta, &  
non contraria substantia professionis, ut  
tradit Sanchez cit. l. 5. c. 4. n. 87. ad au-  
tem conditione purificata innovari de-  
beat consensus, & præstari purè? vel  
ad valorem sufficiat consensus prior

Kkkk 2 cum

cum conditione purificata? docent communiter id resolvendum ex casu matrimonii taliter contractui, de quo egimus lib. 4. ubi diximus, sufficere postremum; de conditione vero substantia actus contrariâ plura V. cit. l. 4. tit. 5. de conditionibus appositis à n. 777. quibus positis:

2741 Ad quest. in tit. propositam &c. plures exigi conditions, quarum defectu invalida sit professio. 1. est &tas jure requisita, quæ nunc est 16. annorum completorum, de qua jam egimus; hæc porrò conditio sic intelligenda est, ut professio non valeat, facta prius, seu ante illam etatem verè completam; licet nullo jure irrita si facta posse illam, prout quarundam Religionum statutis specialibus servatur; ubi notandum, esto secundum leges talium Religionum professio illicite fiat à non habente prescriptam etatem 13. vel 20. annorum; si tamen facta sit, post compleatum 16. non esse invalidam, nisi statutum tale, auctoritate Sedis Apostolicæ firmatum, secùs acta etiam annularet; de quo c. in Insula. 6. h. t.

2742 Altera conditio est; ut professio fiat voluntare liberâ, & spontaneâ, ut dicitur c. i. h. t. ibi: nullus tondeatur nisi in legitima etate, & spontanea voluntate; quia sponte religionem quis ingredi debet, c. proclavis, & c. præsens, 20. q. 3. adeò, quod excommunicatiois vinculo innodentur à Concilio Tridentino Sess. 25. de Regularibus, cap. 18. qui mulierem Monasterium ingredi coegerit, quique consilium, auxilium, vel favorem dederit. Difficultas est, quando censeatur facta non spontanea, consequenter sine voluntate spontanea, prout requiritur ad valorem Professionis? obstatre possunt error, ignorantia, dolus, coactio per vim absolutam, vel conditionalem. Quæ porrò spectant primos tres obices, à nobis resoluta sunt lib. 4. à num. 1067. idem enim voluntarium requiritur ad professionem, quæ immutabilem statum inducit, ac ad matrimonium.

2743 Quæ vero pertinent ad professio- num coactam, cum alia sit coactio præcisâ, & absolute; alia solùm conditionalis, quæ sit incusso metu; & prima tol-

lat voluntarium simpliciter, ut ostendimus lib. 4. à num. 389. tolleret etiam valorem professionis; de coactione vero conditionali agimus ibid. num. 392. probabilius autem est, metum levem etiam injustum non obstatre valori professionis, sicut nec matrimonii ex dict. ibid. à num. 398. secus tamen dicendum est, si facta sit ex metu gravi, extrinsecus, ac injuste incusio ex fine consentum professionis extorquendi; ratio sumitur ex dict. ibid. lib. 4. à num. 434. ubi diximus contractus, postquam semel validi sunt, irrevocabilis, jure naturali & positivo esse irritos; at professio talis est; ergo.

Dices, probato tali metu rescindi professionem; ergo non est naturâ suâ irrevocabilis; & idem justam in matrimonio. Quarè dicendum tali casu nec professionem, nec matrimonium rescindi propriè, auferendo valorem; sed solùm declarando nullitatem; dici tamen irrevocabilem, quod ne quidem declarative rescindatur, nisi probato metu tali, praesertim durante etiam per annos propterea, quod ejusmodi metum passi, viventibus illis, qui eum incuserunt, reclamare non audeant, & frequenter presumatur, metum silentio, vel tempore purgatum præsumptione in re falsa; cuius probatio cum aperte difficultima, consequenter moraliter impossibilis sit, etiam illam rescindibilitatem impossibilem reddit, utpote non aequabilem nisi ex suppositione illa moraliter impossibili.

Tertia conditio est, quod ab aliquo habente legitimam facultatem recipiendi profidentem ad tales statum, professio acceptetur nomine ipsius Religionis acceptatione expressâ, vel tacita, quæ sit vel ipso facto, vel aliis signis, prout dicemus à n. 2748. de professione tacita; ita tenent Suarez tom. 3. de Relig. l. 6. c. 11. Sanchez in Decal. lib. 5. cap. 4. n. 62. Layman l. 4. Summe, tr. 5. cap. 5. n. 5. & alii communiter. 1. ex c. Porrectum. 13. h. t. ubi dicitur, tunc aliquem fieri Monachum, ut reddiat Dominum, quæ promisit, cum professio regularis emittatur, & recipitur ab Abbatie; & cap. 6. eod. ibi: si tamen ante tempus probationis regulariter præfinitum, is, qui

qui converti desiderat, *habitum recipit*, & professionem emittit, *Abbate per se, vel per alium professionem recipiente monasticam, & monachalem habitum concedente*, utique renuntiari videtur ei, quod professe noscitur introductum: ideoque obligatur per professionem emissam patiter, & acceptam ad observantiam regularem, & vere Monachus est censendus; & ratio est; quia ex professione nascitur obligatio mutua, utrique onerosa; quod non stat sine consensu mutuo utrinque acceptato, ut diximus lib. 4. à num. 7.

2746 Præter hæc not. à nonnullis exigunt ad professionem, saltem ut licet fiat, ut profitens sit sui juris; de quo dicimus à num. 2697. ut præcesserit integer, & continuus annus probationis; sed qualiter hoc accipiendum sit, diximus à num. 2683. 3. ne professio facta sit renuntiatione bonorum abique præscripta Tridentini formæ, de qua à n. 2719. &c. 4. qualiter emitte possit à conjugatis, expositum est hic tit. 32. à n. 2826.

§. 2.

*Qualiter fiat Professio tacita?*

2747 Ante resolut. suppon. habitum Novitiorum communiter assignati triclicem secundum varietatem Religionum; nam in quibusdam habitus Novitiorum alias est *communissimus*, quem etiam vocant *indistinctissimum*, quando nimis eodem utuntur & Professi, & Noviti, & alii etiam Clerici vel Laici cum illis in communi viventes, ipsisq; servientes; secundus est *communis*, seu *indistinctus*, quo scilicet nullo discrimine utuntur Professi, & Noviti: tertius est habitus *Novitiorum distinctus* ab habitu Professorum, ut, si illi utantur albo, isti, nigro; quæ distinctio potest esse vel patens aliquo signo visibili, vel latens; nimis non patens signo visibili, ut si habitus Professorum benedicatur; non Novitiorum, &c. his præmissis:

2748 Quæstio est, quibus modis tacite Professio emitatur, hoc est, ex quibus factis, vel signis à jure præsumatur, eum, quia talia facta, signa, vel indicia edidit, professum esse, id est, se Religioni ac regulari discipline in tali loco regulari

obligasse sic, ut non minus, ac alii expressè professi ad ejus statutis observantiam jure compelli possit? Tres communiter modos assignant ex sacris canonibus Azor p. 1. l. 12. c. 4. q. 3. Sanchez in Decal. l. 5. c. 3. n. 19 Layman l. 4. Theol. moral. tr. 5. c. 5. à n. 1.

Primus igitur modus, seu argumentum tacitæ professionis, seu jure præsumendi professionem ipso facto esse editam, sumitur ex c. *Ad nostram*. 8. h. t. ubi habetur: censeri tacite professum, si quis ante pubertatem suscepit habitum religiosum, & post completam pubertatem eundem *triduo* portavit, quin reclamaret, aut contraria intentionis signum daret; circa quod not. 1. id non procedere, nisi fiat *scienter*; nam ignorantis non est consensus; 2. nisi fiat *sponte*; professio enim coacta, probata coactione, facile, ac meritò infirmatur. 3. nisi fiat per susceptionem habitus professorum distinctissimi, ut notat Azor p. 1. l. 12. c. 4. q. 3. Sanchez in Decal. tom. 2. l. 5. c. 3. Basilius Pontius de impedim. matrim. c. 5. Dux *habitum professorum distinctissimi*; nam ex susceptione habitus Novitiorum patenter distincti ab habitu professorum, ejusque gestatione annua, vel etiam majori tempore, sive exercitio aliorum operum, quæ professorum propterea sunt. non inducit tacita professio; ita Sylvester V. *Religio* 3. q. 18. Navarr. Comment. 4. de Regular. num. 74.

Dificultas tamen est 1. an inducatur tacita professio per gestationem habitus Professorum patenter distincti ab habitu Novitiorum etiam non expleto anno Novitiatu? 2. an tacita professio locus sit etiam post Tridentinum? 3. an ad tacitam professionem ex susceptione habitus patenter distincti ab habitu Novitiorum de necessitate requiratur perseverantia in eo, saltem per triduum post pubertatem? 4. quam obligationem inducat tacita professio primo modo facta? Ante responsionem not. quod illa suscepit habitus dupliciter considerari possit; primò præcisè, quin talis simul sciens, & prudens sponte exerceat alias actiones professis proprias; 2. his simul accedentibus.

Kkk 3 Ad